

٥ - على أبواب الجنة حدثنا عن الجنة | | الشيخ محمد

خيرى

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له
واشهد ان محمدا عبده ورسوله وبعد - 00:00:00
فما زال حديثنا حول الجنة ادخلنا الله واياكم هذه الدار بلا حساب ولا عذاب تكلمنا عن ريح الجنة ولنا عود ان شاء الله مع هذا العطر
الذي لن تشم مثله - 00:00:22
قط في الدنيا مراسم الاستقبال العظيم كنا اتكلمنا ان اهل الجنة اهل شرف وكرامة من دخل الجنة ونال رضا الرحمن فقد افلح ونجح
الكل دلوقتي كلنا ان هم يعني في الانطلاق لوفد الله سبحانه وتعالى - 00:00:50
راكب كما يقول علي رضي الله عنه مراكب من نور ليحشروا الى الرحمن وفدا جميع المتقين اكتمل عدده واكملوا في البقعة المباركة
من امام ابواب الجنة التي لا زالت مغلقة على حالها - 00:01:18
ويبدأ ببسأله ويتساءل الوفد الكريم ده وفد مبارك يا ترى من يستفتح لنا لان الاصل انها مغلقة سبحانه الله ولا تندهش ان في ناس
يعني ذكر النبي صلى الله عليه وسلم انهم - 00:01:41
يدخلون هذا النعيم مبكرين سبحانه الله النبي صلى الله عليه وسلم يقول لعبدالله ابن عمر رضي الله عنه اتعلم اول زمرة تدخل الجنة.
بيقول له انت عارف اول ناس هتخش الجنة مين - 00:02:08
شوفوا يا جماعة النعيم شوفوا النعيم الجميل انك تكون صحابي ويسألك النبي صلى الله عليه وسلم. عرفت لما تبقى ماشي مع والدك
ووالدك يقول لك انت عارف ان الامام النهاردة لما قرأ كذا الجملة دي معناها ايه - 00:02:29
تبقى انت مستمتع قوي ان والدك بيتناقش معاك وبيتدارس معاق بعض آيات الله سبحانه وتعالى تبقى في عالم بتحبه قوي ومحسوب
لقلبك وبعدين مرة واحدة كده يروح سألك سؤال يقول لك آه هل تعرف - 00:02:46
ما معنى الفرق بين الاتيان والمجيء في قوله حتى تأتيهم مثل البيئة هتلاقي سبحانه الله انك في شعور حب وفي شعور فرح في
شعور سكية وطمأنينة ورضا عن النفس ان معلمك - 00:03:07
بيسألك فهنا النبي صلى الله عليه وسلم يقول له اتعلم انت عارف اول زمرة تدخل الجنة فقال له ايه لما سأله السؤال دوت قال قلت
الله ورسوله اعلم. مؤدبين اوي. رضي الله عنهم - 00:03:27
فقال النبي صلى الله عليه وسلم المهاجرون الناس اللي هاجرت وبزلت وتعبت وتركت وضحت لاجل الدين ده. لان في ناس كثير
بتضحى او اذا شئت فقل كل الناس بتضحى كل الناس بتضحى - 00:03:46
بس في واحد بيضحى لدنيته احنا النهاردة يا عم ولادنا من اول ما بيتولدوا لغاية ما بيكبروا ويتجوزوا ما احنا قاعدين نضحى عشان
يتعلم ويضحى عشان يسافر ويضحى عشان يتغرب ونضحى بنضحى بقربه منا ونضحى بحاجات كتيرة - 00:04:08
وانت بتضحى بحتى وانت صغير ولسه في ابتدائي قعدت تضحى ببعض الالعب بتاعتك عشان تذاكر سبحانه الله كل دول تعبوا
وبزلوا دول دفعوا فاتورة غالية اوي اوي في بداية الاسلام - 00:04:28
كلنا بندفع فاتورة التضحية بالمناسبة بس احنا تضحيتنا او كثير منا في امور الحياة. هم كانت واضح جدا التضحية بتاعتهم لطريق

اخرتهم فقال النبي المهاجرون يأتون يوم القيامة الى باب الجنة - 00:04:46

يستفتحون ده في موقف اخر فيقول لهم الخزنة الدنيا مش متسابة كده هي الجنة مغلقة بتفتح في اوقات زي الاثنين والخميس زي ما يجي معنا وبتفتح في رمضان وكده ويجي يوم القيامة - 00:05:09

بتكون مغلقة ثم يستفتح يعني الخازن عشان يفتحها وبعد كده بقى تبقى مفتحة لهم الابواب. يبقى على طول الخبطة مفتوحة ده الاصل يعني وهم داخلين فيقول لهم الخزنة سبحان الله يقولوا لهم لفظ اللفظ ده عاوزكم كده تعيشوا بقلبكم - 00:05:28

وتركزوا فيه بيقولوا لهم ايه؟ اوقد او سبتم ياه لكز تخيل ان خزنة الجنة هتندesh من سرعة المحاسبة لبعض الناس ايه ده انت خلصت اوقد حوسبتم للدرجة دي ايه الجمال ده! انتم خلصتوا كده - 00:05:53

اندهاش خزنة الجنة من الفوج الله اكبر او خد حوسبتم فيقولوا لهم ايه باي شيه نحاسب هنتحاسب على ايه انما كانت سيوفنا على عواتقنا في سبيل الله حتى متنا على ذلك. هو احنا كان معنا حاجة ده هو سيفي شايله على كتفي زي ما هو موبايك حطيته في جيبك. والدنيا ماشية كت ايه مقضيتها - 00:06:18

ده هو سيف انا شلته على عواتقي حتى متنا على ذلك فيفتح لهم. يقول النبي فيقولون فيها. يعني يقعدوا كده. عارف القيلولة؟ قعدة الانتخة فياقي يؤيلون فيها اربعين عاما قبل ان يدخلها الناس - 00:06:48

عطينا اربعين سنة اربعين سنة دي ناس رايقة الله اكبر اربعين سنة والفائدة كده مهمة قوي تنفعنا ان شاء الله بصوا يا جماعة لو انا في امان الله كده ومع نفسي كده قررت ان انا اجيب تلت قطط - 00:07:10

اربيهم ايه اللي هيحصل؟ ده انشغال ولا مش انشغال انا ما كنتش قبل ما اجيبهم كت عادي مقضي وقت لي بس ادمع اجيبهم دلوقتي. في قدر من الانشغال هيتم انا ما بتكلمش دلوقتي فين في الحلال والحرام خالص. المسألة مش هنا خالص - 00:07:36

انا بكلمك بس في فلسفة في فهم النفس والتعامل معها في الحياة فانا اما اجيب تلت قطط مقطقة وابدأ طبعاً انشغلت بايه لا يا جماعة اللي بيقول هو حرام لأ مش حرام اللي عاوز يجيب قطة يجيب يجيب بدل واحدة اثنين وعادي ممكن تجيب اربعين قطة - 00:07:53

نركز بقى دلوقتي ده انشغال ولا مش انشغال انشغال الانشغال ده حرام مش انشغال ده حرام ممكن الانشغال ده يدخلك الجنة. ركز بقى معي في كلمة الانشغال. ده انشغال صح - 00:08:12

انشغال بالنضافة بتاعتها انشغال بالاكل بتاعها القطعة فين القطعة مش مشاية فين راحت جات منين بتاع الكلام ده كله عجبني الموضوع فقلت هجيب عصافير احطها فين البلكونة جبت العصافير العصافير - 00:08:29

قاعدة الملونة وعازوة تاكل وعازوة تشرب وصوت الصوصو ودي بتصوصو ودي بتنونو فبرضو ايه ده قدر من ان انت شغال صح عندي اللبة في الاوضة بتاعتي في المكتب عجاني قوي - 00:08:48

بس جيت كده في يوم من الايام وانا حاضر درس عن الجنة فتأملت اللبة ديت فقلت ما انا هجيب نجفة احسن ما اللي هي فيها عشر لمبات صغيرة دي طب ايه اللي فيها - 00:09:05

ما فيهاش اي حاجة. جبت النجفة دي بس فيها عشر لمبات عارفين انتم اللبة الصغير ده الاباجورة دي فلما اجيب الاباجورة دي والنجف ده ايه اللي يحصل ففي لمبة منهم تتعطل - 00:09:19

كان زمان اغير اللبة واحدة وخلص. لكن دلوقتي لو فيه اثنين اتغيروا فدايما عامل لي دربكة كده زهنية خاصة الجماعة التحليليين مش قادرين يتخيلوا ان له عشر لمبات الاباجورة ديت يبقى ثلاثة منهم فيهم مشكلة - 00:09:32

واخدين بالكم سبحان الله! فايه اللي يحصل مع الوقت بانشغال انشغال انشغال انشغال انشغال انشغال انشغال فبالانشغالات دي كلها هي حرام مش حرام بس بتاخذك وقاعد عمال تسحبك وتسحبك وتسحبك وتسحبك وتسحبك - 00:09:49

برضو ايه المشكلة في الكلام ده؟ المشكلة بعد السحب دي اما تيجي في يوم من الايام تدفع فاتورة عاوز مسلا تسافر للعمرة آآ عاوز تختار عمرة فهتختار العمل هي عشر تيام وترجع ولا شهر وترجع تقول لي لأ عاوز عشر تيام ليه؟ عشان القطعة والعصافير والبيت

مش عارف ايه فاحنا قاعدين نعمل ايه نخط حاجات نغرز انفسنا في الارض وحاجات تربطنا اكر بالارض فكل شوية اما نيجي ناخذ قرارات مش عارفين ليه؟ لان انا ماسك سلاسل كل شوية بتقلني الى الارض - 00:10:38

فده بيعمل لي تقل بيعمل تقل مع الوقت تقل تقل تقل تقل واخدين بالكم زي اللي عنده آآ ودهك النبي صلى الله عليه وسلم يوم من الايام او ربانا صلى الله عليه وسلم انك السراير بتاعتك - 00:11:00

مكان الايه؟ السراير اهو سرير عاوز انا فيقول لك ايه مكان واحد لك فراش لك وفراش لاهلك وفراش لولدك وفراش للضيف. طب واللي بعد كده؟ للشيطان ما خلاص انت عندك النهاردة ايه لكن ده ده عنده هنا وعنده هنا وعنده هنا انت النهاردة عندك ايه؟ يعني تلاقي بعض الناس عنده العمارة بتاعته - 00:11:19

فيها اربع شقق طبيب والانتين التانيين؟ سايبهم لا بياجرهم ولا بيسكن فيهم حد ولا اعملهم صدقة جارية ولا اي حاجة هم كده. طب ايه اللي يحصل مين المستفيد دلوقتي فده ربح قد يكون اخروي - 00:11:44

ينفعك جدا الشقة الرابعة دي فاضية ليه يا سيدي خليها اي حاجة اما تأجرها اصل في ناس معينين ممكن ييجوا وحشين. يا سيدي هات انت الناس الحلوين خلاص اعملها مخزن آآ لاي مكان حاجة خير يعني. ما انا مش عاوز حد يدخل بيتي. يا سيدي ما تخليش حد يطالع ولا يدخل الا البواب بتاعك - 00:12:06

المهم في الآخر للآخر لازم يبقى فيه استفادة لازم يبقى فيه استثمار للكلام ده خليها تبقى دايم يا جماعة يوم القيامة هتندم ان كل الادوات اللي كانت معك لم تستسمر في تثقيل حسناتك - 00:12:28

يوم القيامة عما تفاجأ ان الشاليه بتاعك اللي موجود في الغردقة ولا في الساحل ولا في مطروح لم يستثمر طول العام طب وانا هستثمره ازاى يعني لا سهل جدا تتصل بدار ايتام وتقول لهم انا عندي شاليه شوفوا الاوقات اللي انتم عاوزينها طول السنة وعايزين تروحوا اجهزه لكم - 00:12:46

وادخلوا السرور على الايتام اجي يوم القيامة الاقي ان الحاجة دي استسمرت في الخيرات واستثمرت في البركات بقى فيه تقل لي الميزان يوم القيامة لكن تجيب وتقفل هنا وتجب هنا وتقفل هنا وتجب هنا وتقفل - 00:13:09

هو حرام هي انا عمي ما بقولش حرام انت مصمم ليه؟ ما انت متسحر ورايق. انا ما بقولش حرام دلوقتي سبحان الله فهو بيقولوا لهم ايه؟ هنتحاسب على ايه احنا هنتحاسب على ايه - 00:13:31

لو انا كان عندي ثلاث عربيات منهم اتنين في الجراج ما بيستعملوش وواحدة منهم بتاعة طنط مي. بقى فين وفينا لما بتخرج بها وانا ما كنتش هنتحاسب يا حبيب قلبي. هو ليه الاغنياء هيتأخروا - 00:13:47

ليه ما احنا على ابواب الجنة دلوقتي فيه ناس هتخش بدري الفقراء يدخلوا الجنة قبل الاغنياء بنص يوم بس مش نص يوم بتاعنا نص يوم من ايام الله. ان يوم كالف سنة - 00:14:00

فنص يوم خمسميت سنة دول سابقين. ليه ماصلاه او معنى كده ان هم هيكونوا اعلى لا مش شرط اللي يسبق ان يكون اعلى من اللي ايه؟ اللي يأتي بعد ذلك - 00:14:15

وده مش معناه ان هيبقى شيه صعب جدا او دي دعوة لترك الغنى. او آآ يعني ان الانسان يترك ما له ليس هكذا ابدأ اقصد يعني ولكن سبحان الله وهذا الوقت - 00:14:27

دي روايات وكلام للعلماء انه يمر على المسلم الغني مش هيمر بحساسية بقى ما خلاص احنا اتزهنا عند القنطرة يمر عليه كما ما بين الظهر والعصر لكن الفكرة يا جماعة الخير - 00:14:39

انك تبقى مدرك كويس قوي ان في حاجات بتشغلك ده اللي بيتابع صفحة وهو المشرف بتاعها شغلاه ففي حاجات كتير بتشغلك فخلي بالك ايه اللي بيشغلك وحاول عشان الباب يا جماعة كون من اول الناس الداخلين ولا ايه - 00:14:54

فهم بيقولوا لهم انما كانت سيوفنا على عواتقنا في سبيل الله حتى متنا على ذلك. خلاص يا جماعة فاحنا ليا ايه ايه اللي يأخرنا فيبدأ

يتساءل الوفد الكريم مين هيفتح لنا - 00:15:15

فيتجه الى ابي البشر ادم فابراهيم فموسى فعيسى حتى يأتون محمد صلى الله عليه وسلم فيقوم النبي صلى الله عليه وسلم ويقرع ابواب الجنة بيده الشريفة. الله اكبر يبدأ النبي صلى الله عليه وسلم بطرق الباب - 00:15:36

وده سبحانه الله من المقام المحمود الذي يظهره الله سبحانه وتعالى للنبي صلى الله عليه وسلم يوم القيامة وشوفوا الجمال يا جماعة نسأل الله ان يسددنا واياكم لهذا النعيم في ناس يا جماعة هتدخل الجنة من المسلمين بس بعد العذاب - 00:16:02

او بعد الحساب ويتعزب على بعض الاشياء لم يتب منها. ياخذ بقى نص يوم ياخذ يوم ياخذ تلت تريع يوم ياخذ يومين ربنا يلفف بينا فهل هيلحق ان الجمال ده - 00:16:27

ولا هيفوتوا عافانا الله واياكم انا اكثر الانبياء تبعنا يوم القيامة صلى الله عليه وسلم وانا اول من يقرع باب الجنة يا سلام على الجمال فاخذ بحلقة باب الجنة فاقعقعها - 00:16:41

الباب له حلقة فيقال من هذا ها على الجمال اول مرة تسمع صوت خازن الجنة واخذ بالك وانت واقف كده جنب النبي صلى الله عليه وسلم وعلى يسارك او يمينك اليسع - 00:17:03

وقدامك صاحب الاخدود ومؤمن ال فرعون موجود وابو البننتين حمى سيدنا موسى موجود جنبك وانت قاعد في الجمال ده وقاعد تسمع والنبي صلى الله عليه وسلم بيتكلم مع خازن الباب - 00:17:22

فيقول من يا صوت مين ده صوتها يكون يعني يليق بالجنة صوت يليق بالجنة. صوته لوحده يكون جنة خازن الجنة فيقال من هذا؟ من اللي بيخبط سبحانه الله فيقال محمد - 00:17:42

فيفتحون لي ويرحبون في رواية يقولون مرحبا يا سلام في صحيح مسلم بك امرت انا مأمور انا واخذ امر خاص بك يقول الخازن من انت؟ فاقول محمد فيقول بك امرت. لا افتح لاحد قبلك - 00:18:06

ايه الجمال ده يا جماعة وما ان يتم الحوار بين سيد وفد الرحمن من المتقين وخازن الجنة من الملائكة المقربين وكأن الابواب تبدأ بقى تتحرك شيئا فشيئا وامسك قلبك بقى - 00:18:34

والباب بيتفتح وانت هتشوف ايه في روايات كتير ذكرت ان الابواب ظاهرها يعني يكشف ما في باطنها شوف وراء الابواب وانت شايف والابواب بتتفتح وهي مؤذنة ببداية السعادة التي لا كرب معها - 00:18:56

النعيم الذي لا كدر بعده وكلما انفرج من الابواب شيئا اشرقت من الداخل انوار الجنة ويزداد العبق عبق الجنة وتهب نسائم الجنة الباردة على اهل الموقف قلوب بقى المتقين في الوقت ده اللحظات دي تسابق حركة الابواب - 00:19:21

يا جماعة دي دي اشياء كده الواحد بيحاول يعني نتخيل والا فالامر حته تانية خالص وعيونهم تطوف بما تستطيع من النعيم الافئدة تكاد تطير من جوانحه ليه؟ لانها الجنة حقا انها الجنة. رأي العين. اول مرة تشوف الجنة - 00:19:50

اول مرة تشوف عينك تلتقط ما لم يكن يخطر على قلب بشر ترى الابواب دي بتتكلم ترى الابواب دي هتحضنك ما انت ما تعرفش ايه اللي هيحصل بقى لم يخطر على قلب بشر - 00:20:16

ويأذن خازن الجنة للنبي صلى الله عليه وسلم. ومن معه بالدخول هيخش في دار السلام ويبدأ وفد الرحمن المسير الى بلاد الافراح لا بداخل بلاد الافراح خلاص جماعات جمعت اما اما - 00:20:34

زحام زي ما قلت لكم امبارح يخشوها وهي ايه في زحام عشان كده خليك دايم في زحمة الصالحين اوعى في يوم من الايام الشيطان يسول لك وكل يوم تدنك تفت من هنا وتروح من هنا لا يا جماعة - 00:21:00

ربنا سبحانه وتعالى امر النبي صلى الله عليه وسلم واصبر نفسك مع مين الله سبحانه وتعالى في سورة الكهف يأمر النبي صلى الله عليه وسلم بامر هذا الامر مهم قوي في فهم الانسان له في التزكية - 00:21:21

ربنا فيقول للنبي صلى الله عليه وسلم واصبر نفسك مع الذين يدعون ربهم مع اهل الصلاح يقول له اصبر طيب ليه اصبر؟ لان في حاجات كتير هتحصل دنيوية وهنيت هتحصل وبعض التوترات هتحصل - 00:21:41

فاوعى تسول لنفسك انك تسببهم يا جماعة ده مفهوم مركزي في التزكية انت في اهل الدنيا بتحصل بهم فيهم هناك وتلاقي المدير بيزعق لك والدكتور في الجامعة بيقول لك طيب لا ما فيش اجازة وهتاخدي النبطشية دي - [00:22:03](#)

وبتقبلي وبتصبري بتقولي ليه ؟ معلش هاعمل ايه ؟ اكل عيش. عشان الدنيا عشان الطموح طب ليه في امور الاخرة مجرد ما يحصل توتر بينك وبين اختك بينك وبين اخيك - [00:22:23](#)

ما تقدرش لو يا ريتها كمان واصبر نفسك بس لا ولا تعدو عينك عنهم اوعى عينك تترفع عن اخواتك اوعى عينك تنشغل بغير المسلمين الصالحين المجتمعين على الرحمة وعلى الرسالة - [00:22:37](#)

الباب ده مهم اوي اوي فهنا هم داخلين جماعات زي ما كانوا جماعات زي ما كانوا زحم في التراويح زي ما كانوا زحمة في الانفاقة في الخيرات زي ما كانوا زحمة - [00:22:56](#)

بان يجتمعوا على طاعة زي ما كانوا زحمة وهم ساجدين زي ما كانوا زحمة وهم رافعين زي ما كانوا زحمة وهم بيظوفوا وكانوا زحمة عند وبالايتم وابواب المسنين وابواب الاطفال في المستشفيات - [00:23:10](#)

فيكونوا زحمة على ابواب الجنة. لانهم كانوا زحمة في ابواب الجنة. جنة العرفان. جنة الازكار. جنة مجالس العلم يوم القيامة هيكونوا زحمة على ابواب جنة الرضوان ليه ؟ اللي كان زحمة هنا يدخل هناك زحمة مع اخواته - [00:23:25](#)

زحمة مفرحة تحفهم الملائكة من كل باب لما ؟ لان يا جماعة مين اللي بيستقبلهم؟ يستقبلهم الخلود السرمدي على الاعتبار والله الخلود نفسه نعمة خزنت الجنة بترحب بهم بتحبيهم بتبشرهم بالنعيم الدائم الذي لا يزول - [00:23:45](#)

خلاص انتهى الملك الابدي الذي لا يحول الكلام ده مش هيتغير ربنا بيصف هذا الوصف هذا المسير الذي لا اعظم منه في تاريخ البشرية وسيق الذين اتقوا ربهم الى الجنة زمرا - [00:24:14](#)

حتى اذا جاءوها وفتحت ابوابها. وقال لكم خزانتها. على الباب على باب التحية بتبدأ سلام عليكم طبتم اعم بقت رايق اهو. وما عدش في قلبك اي حاجة تبطل بقلبي وطبت فكريا وطبت بمقابلتك للانبيا وطبت لما تكلمت مع الله وطبت - [00:24:38](#)

حتى جسدك انشأك ربك انشاء اخر طبتم فادخلوها طبتم فادخلوها. عشان تدخلها لازم تكون نضيف وعاوز تدخل جنة العرفان لازم تكون برضو نضيف. سلم قلبك على قد ما تقدر. طيب قلبك - [00:25:06](#)

في حد في يوم من الايام كنت قاعد معه فيقول لي انا مش عاوز اشارك في الموضوع ده عشان قلبي بيتلوس فحفاظا على قلبي انا هسيب المكان ده انا بقول له يا حبيب قلبي - [00:25:28](#)

يعني انت عشان تحافظ على قلبك تضربه تمرضه طيب وهب جدلا عشان تعرفوا مداخل الشيطان انك ستسلم قلبك لمازا تصمم ان تطأ بنعليك كل قلوب المحبين لك وانت تسلم قلبك. فاي سلامة تقصد - [00:25:41](#)

في بعض الناس ما بيكونش واخذ باله ابدان هو آآ الزوجة النهاردة تقول لا انا سلامة لصدري انا هعمل كزا سلامة الصدر ينبغي ان يبنني عليها سلامة العمل لكن عشان تسلمي صدرك - [00:26:05](#)

تحرقني صدور كل المحبين حولك هذه ليست سلامة صدر ولكن هذا تصدير السلامة طبتم فادخلوها خالدين. وقالوا الحمد لله الذي صدقنا وعده. ياه انا فعلا لقيت سبحان الله وبحمده طلعت نخلة في الجنة - [00:26:24](#)

انا فعلا سبحان الله اول مرة الاقي ان قل هو الله احد بقت ثقيلة اوي اوي اوي في الميزان انا صدقت سبحان الله وقالوا الحمد لله الذي صدقنا وعده واورثنا الارض نتبوا من الجنة - [00:26:51](#)

نتبوا من الجنة. فيه ناس كتير قاعدة مشغولة بتسألني ازاى ومش ازاى ومش ازاى عيش الجنة هتفهمها لان انا كلامي كتفصيل فيه تفاصيل كتير لكن انت فاهم ان انا فاهم انك فاهم انا عاوز اقول ايه - [00:27:18](#)

حضرتك فاهمة كويس قوي ان احنا بنقول ان بحجة سلامة القلب البيت بيخرب ويحصل المفارقة والبيوت تطلق والاولاد تتشرد والاسر تتخانق مع بعض على الفيس. وده كله بسبب ايه ؟ ان حضرتك قلت قبل - [00:27:38](#)

انا عاوزة سلامة صدري خديتها بقى لما عملتي كده واخدين بال حضراتكم لا اللي بياخذ سلامة الصدر يا جماعة في طريق ربنا قاله لنا

تسريح باحسان لكن تكتبي على الفيس وهو يكتب على الفيس. ويجي حماك يكتب وحماك تكتب وكله يا من. وبعدين بقى ايه؟
ونشر كل - [00:27:55](#)

بشيء خاص كان موجود بين البيوت وفي غرف مغلقة وبينك وبين زوجك وكل حاجة تتقال وتيجي تقول انا والله العظيم ما قصدت
الا سلامة الصدر. اي صدر قصدتي فاكيد انتم فاهمين مقصدي مش حاجة تانية يعني. لكن الطبيعي لو انا في مكان فعلا يفسد قلبي
فيه - [00:28:22](#)

وافتا في ديني اه انا ممكن اخرج خروج امن حفاظا على قلبي. ما فيش مشكلة لكن انا اتكلم ان في اوقات كتير بيكون الموضوع ده
هو هروب من مواجهة القلب - [00:28:46](#)

زي اما اتكلم على مشهد من مشاهد واحد واخدها حق اخته في الميراس بحجة ايه عشان احافز عليها اصل هي مسرفة والكلام ده.
في حالات كده فعلا؟ اه في حالات انت محتاج تحجر على اختك او تحجر على اخيك - [00:29:02](#)

لان بقى عنده سفه كبير. بس مين اللي يحدد كده؟ وكم واحد في الامة كده؟ لكن مش بحجة المعلومة الصح دي كل واحد ياخذ
حقوق غيره ويقول لك اصل انا خايف ان هو يضيعها - [00:29:19](#)

خلونا في الجنة بقى نتبوا منها واورثنا الارض نتبوا من الجنة حيث نشاء يا ترى النعيم نتبوا ولا حيس نشاء ولا كله نعيم في نعيم
حيث نشاء فنعم اجر العاملين - [00:29:34](#)

الله اكبر المشهد ده نظيره في الدنيا او مثيله في الدنيا في جنة العرفان اللي قريب منه دخول المتقين الى البيت المفروح بيت العتيق
صبيحة عيد الاضحى حين يسفر الصباح - [00:29:58](#)

وتبدأ خيوط الشمس مع منادي الفلاح. الله اكبر الله اكبر لا اله الا الله والناس بقى ايه شغالة في تكبيرة العيد وانت لابس
احرامك ورايح انت وزوجتك عشان تطوفوا طواف الافاضة فرحانين وتتصلوا ببابك وتتصلي بمامتك وتقول لها الحمد لله احنا لسة
راميين الجمار دلوقتي - [00:30:21](#)

وادينا رايعين على ليه على الكعبة عشان نطوف ونحاول بقدر الامكان نلحق صلاة العيد هناك. ياه يا على الجمال حاجة كده وشوفوا
سبحان الله يا جماعة. اول ما يخشوا ينادي مناد - [00:30:51](#)

ان لكم ان تحيوا فلا تموتوا ابدان لكم ان تحلوا. فلا تموتوا ابدان يا جماعة لما جيت تيجوا تأملوا كل الحضارات وكل الوسائل حاليا
والناس كلها عايشة في الحضارة الغربية وغيرها عشانى - [00:31:14](#)

نطول في عمره على قد ما يقدر ويقاوم الشيخوخة على قد ما يقدر. صح وان يقاوم المرض على قد ما يقدر ويقاوم ان يكبر في
السن وانه يموت ويقاوم البأس والفقر - [00:31:38](#)

الاربعة دول ياخدوهم من على الباب اهل الاخرة الاربعة اللي كانوا مبهدلينك تاخدوهم وانت على الباب. تسمعهم ان لكم ان تحيوا فلا
تموتوا ابدان الجنة موت الموت وان لكم ان تصحوا ولا تسقموا ابدان. خلاص بقى لا عاد في خشونة في الركبة - [00:31:55](#)

ولا ما بقدرش اطلع يا ابني وضهري وجعني. لا لا لا ده انت هتطلعي عادي جدا. اي حد فوق في الدرجات العالية عاوزة تروحي
تزوريها وامي سهل جدا انت اصلا ما شاء الله عليك. ده انت بقى سنك ثلاثة وتلاتين سنة. ايه الجمال ده - [00:32:20](#)

ثلاثة وتلاتين سنة وانشأك الله انشاء ثاني خالص. بنت يعني سنيورة في مكانك حور عين الله اكبر بل اجمل وان لكم ان تصحوا فلا
تسقموا ابدان وان لكم ان تسبوا فلا تهرموا ابدان. خلاص يا سيدي. بقى انتم كل شوية اتضايق ان خلاص بطنك كبرت ولا - [00:32:36](#)

ابك يا صدرك مش عارف ايه ولا انت طويل ولا انت قصير ولا اصل انا عندي فلات في رجلي ولا مش عارف ايه اصلا خلاص بقى
الكلام ده وانبا سيبك اصل انا ما كنش لي في العطور قوي هتتظبط - [00:33:06](#)

هتتظبط ان شاء الله في الموضوع ده وانا لكم ان تنعموا فلا تبأسوا ابدان. يا سلام ونود ام تلکم الجنة اورثتموها شوفوا والله العظيم
الاية دي تخليك حاطط وشك في الارض - [00:33:20](#)

عارف ليه الآية دي الواحد مش عارف هيسمعها ازاى في الجنة وفي الدنيا سبحان الله بتديك الحياء استشعر دلوقتي انا دخلت معك

على الخاص ورحت مديك خمسين الف جنيه وقلت انا هبعت لك دلوقتي خمسين الف جنيه - [00:33:42](#)

هدية مني جميل وهبعت لك دلوقتي عقد انك لك سكن في العصر. بلاش الايه؟ ماشي. خلينا نقول في العاصمة الجديدة ومساحته

تلتميت متر شفت بقى وهاجي على العام اقول يا جماعة عاوزين حد يتصدق للايتام بميت جنيه - [00:33:58](#)

فهستسمحك لو تتصدق بميت جنيه ايه اللي يحصل رحت انا جاي عليكم كده وقلت يا جماعة احنا عاوزين نتصدق بمية جنيه للايتام.

مين يتصدق؟ فراح هو طالع ورفع ايده وقال انا - [00:34:22](#)

فانا رحت قايل ايه؟ ما شاء الله لا قوة الا بالله. فعلا يا اخي فعلا اهل التقوى فعلا شوفوا سبحان الله ما بيتأسرش معه الدنيا. فيه ناس

كده فيه ناس ما شاء الله منفقة جواد مسرع - [00:34:39](#)

ربنا يبارك فيك يا ابني. ربنا يحفزك ويبارك لك في زريتك الراجل ده بيسمعني هيبقى عامل ايه؟ هو بيسمعني بقمة الحياء اذا كان ابي

مصاحب فطرة في قمة الحياء عارفين ليه؟ لان هو عارف الموضوع كله - [00:34:55](#)

الرب جل وعلا يكرم عبده ويصبره ويرزقه الثبات وبعدين يقول عليه ايه؟ نعم العبد انه اواب. هو مين اللي ادى له الاوبة مين اللي

مكنه اصلا؟ الله صح؟ ومع ذلك يقول ايه؟ نعم العبد - [00:35:14](#)

نعم العبد الاخت دي الله عليها من اهل الله وخاصته اخت ما شاء الله قايمة بالنهار وقامت بالليل بالقرآن ايه الجمال ده الاخت دي ربنا

يحفزها. الاخت دي ربنا يكرمها. الاخت دي مش عارف ايه - [00:35:33](#)

وتلاقي السنقات دي كلها طيب السنوات اللي احنا امال نقولها ديت هو مين اللي اداها لها الله اشوف بقى ربنا يقول لكم ايه الجنة دي

اصل انتم تعبتوا وورستموها بما كنتم - [00:35:47](#)

يعملون. اوعى تسرح وتقول اه فعلا فعلا. اه انا اصل انا تعبت والله. لا لا لا انتم لو شفتوني يا جماعة هو ان شاء الله يعني بازن الله

يعني الانسان هينصف تفكيره فمش هيقول الكلام ده - [00:36:03](#)

بس في الدنيا ممكن يخطر على باله ان هو داخل كده لأ يا مسكين وشوفوا يا جماعة متخيلين القمر ليلة البدر يبقى شكله عامل ازاي

باي حد بيعاكس حد بيقول له ايه؟ او بيعني بيعاكس زوجته يعني بيداعبها يعني. فيقول لها ايه؟ ده انت القمر. وهي تقول له ده انت

القمر - [00:36:16](#)

وندننا بقى ايه كل واحد يقول له انت القمر وهو يقول له انت القمر صح فالقمر بطبيعته مفتور الناس كلها بتحبه صح تخيل ان في

سبعين الف قمر سبعين الف متر - [00:36:39](#)

شكلهم هيبقى عامل ازاي اول زمرة تلج الجنة صورتهم على صورة القمر ليلة البدر صورة القمر ليلة البدر شكلهم عامل ازاي دول

وريحتهم عاملها ازاي ايه اللي معهم انا عاوز اتعرف على كل تفاصيل لهم. النبي صلى الله عليه وسلم مش هيسيينا. هيقول لنا

تفاصيل كتيرة جدا على الناس دي - [00:36:58](#)

هيكلمنا على سمتهم شكلهم يكلمنا على قلبهم. يا جماعة بيبكلم لنا بيبكلمنا عن المشط اللي هم ماسكينه. مشط قاعد كده بيسرح يقولك

ايه هيكلمنا على العرق بتاعهم ريحته عاملة ازاي؟ اللي بيخرج من شكلهم - [00:37:28](#)

الناس دي كلامهم هيقول ايه ايه الجمال ده كله وهيحكلي لنا هندخل سننا قد ايه؟ شكلنا عامل ازاي ده كله ان شاء الله هنعرفه بقى

سبعين الف قمر دول شكلهم عامل ازاي - [00:37:47](#)

فاسأل الله سبحانه وتعالى ان يرزقني واياكم حسن العمل وحسن الخلق وحسن الختام. اقول قولي هذا واستغفر الله لي ولكم -

[00:38:02](#)